



©1999 ki Rose Goodman. Siswaniso sa fahalimu, Edwin B. Wallace. Maswaniso a kwa halimu niamwa 10, 12, 14, 16, 27, 29, 39, 41, 42, 44, 46, 47, ni 48, Meryl Essenwein. Manzwi a Bibeke a zwa kwa Bibeke ye Kenile, United Bible Societies 1951 edition. Used by permission.

MULIMU N'A EZIZE LIFASI LA LUNA NI 1 LINTO KAMUKANA ZE PILA

“Kwa simuluho Mulimu n’a ezize Lihalimu ni Lifasi.”
—Genese 1:1

“Kakuli linto kamukana li ezizwe ka yena, ze kwa lihalimu, ni ze mwa lifasi.”
—Makolose 1:16a

“Mu fuyozwi ki Muñ a Bupilo, Ya ezize mahalimu ni lifasi. Haili mahalimu, ki mahalimu a Muñ a Bupilo, Mi lifasi u li file bana ba batu.”
—Lisamu 115:15, 16

Lifasi ne li kondile Mulimu ha li fa mutu. Mu bale kabuka ka, mu fumane se ne si ezahalile.

2

LU BUPILWE KI MULIMU



“Cwale Mulimu a li: ‘A lu eze mutu ka siswaniso sa luna, ni ka ku swana kwa luna; mi a buse litapi ze mwa liwate, ... ni lifasi kaufela.’”
—Genese 1:26a

MUTU A BA MOYO O PILA

3

“Muñ a Bupilo Mulimu a bupa mutu ka liluli la lifasi, mi a bululela mwa lingo za hae moya wa ku pila, mi mutu a ba moyo* o pila.”
—Genese 2:7

“Muñ a Bupilo Mulimu a li: ‘Ha ku lukeli kuli mutu a ine a nosi, ni ka mu ezeza mulikani.’ Muñ a Bupilo Mulimu kih’a lobaza Adama buloko bo butuna, mi Adama a lobala. Muñ a Bupilo a zwise likupo ku yena, mi a kutiseza linama mo ne li inezi. Muñ a Bupilo a bupa musali ka likupo l’a zwise ku Adama, mi a mu tisa ku Adama.”
—Genese 2:18a, 21, 22

*Moyo o pila u talusa kuli lu ta ba mwa sibaka se siñwi ku ya ku ile.

4 ADAMA NI EVA NE BA SI KA UTWA MULIMU



Ha lu swaneli ku teezeza linzwi la Satani ni kamuta.

“Muñ a Bupilo Mulimu a nga mutu, a mu beya mwa simu ya Edeni, ku i lima ni ku i libelela. Muñ a Bupilo Mulimu a laela mutu, a li: ‘Haili likota kaufela za simu, u ka li ca; Kono kota ya ku ziba bunde ni bumaswe, yona u si ke wa i ca; kakuli nako y’o i ca, u ka shwa luli.’”
—Genese 2:15-17

NOHA, HAPE YE BIZWA DIABULOSI KAMBA SATANI, YA BUZA MATA A MULIMU MI YA BULELA BUHATA.

“Noha ya alaba musali, ya li: ‘Ku shwa, ha mu na ku shwa.’ Mi musali h’a bona kuli kota ki ye munati ha i ciwa, mi i katelisa meto, hape ki kota ye lakazisa ku talifisa, a nga kwateñi, a ca, mi a fa munn’a hae ya n’a inzi ni yena; mi ni yena a ca.” —Genese 3:4, 6

6 KUZWAFO ADAMA NI EVA NE BA SI KA KONI KU INA MWA SIMU



“Muñ a Bupilo Mulimu a mu leleka mwa simu ya Edeni, kuli a y’o lima mubu w’a zwisizwe ku ona. Kwa neku la Upa... a beya likerubimi... ni lilumo, le li benya,... ku tiba nzila ye ya kwa kota ya bupilo.”

—Genese 3:23b, 24b

NE LI LIZAZI LA MASWABI KWA BATU ADAMA NI EVA HA BA FOSA 7



“... Sibi sina ha si keni mwa lifasi ka mutu a li muñwi, mi ka sibi ku keni lifu, kamukwaocwalo lifu li tile kwa batu kaufela...”
—Maroma 5:12

Taba ye na ni ku Hupulwa

Mutu kaufela u pepilwe inze. a li muezalibi mi zazi le liñwi u ka shwa kakuli lifu li tisizwe ki sibi. (Mu bale Maroma 5:12 hape.)

8 MULELO WA MULIMU WA KU LU YANGWELA KWA SIBI NE LI KA KU LUMA MWAN’A HAE WA LIBANDA



Kuli a kone ku kena mwa lusika lwa batu, Mwan’a Mulimu n’a na ni ku taha sina mbututu.

“Maria u ka pepa mwan’a mushimani, mi u ka mu beya libizo la JESU; kakuli ki yena ya ka pilisa sicaba sa hae kwa libi za sona.”

—Mateu 1:21

“Kakuli ku Kreste ki mo ku inzi mutalelela luli wa Bumulimu, ka mubili.”
—Makolose 2:9

JESU KI MULIMU — MWA SIBUPEHO SA MUTU 9

“Kwa simuluho ne ku na ni Linzwi, mi Linzwi n’a li ku Mulimu, mi Linzwi ne li Mulimu. Mi Linzwi a ezwa nama, mi a t’o yaha ku luna a tezi sishemo ni niti.”

—Joani 1:1, 14a

“Zeo kaufela ne li tahile kuli ku ezahale se ne si bulezwi ki Mulena: ‘A mu bone, musizana u ka ba fa mezi a manca, a pepe mwana, mi libizo la hae u ka bizwa EMANUELE,’ kikuli, ha ku fetulwa, ‘MULIMU U NA NI LUNA.’”
—Mateu 1:22a, 23

“Kakuli lu pepezwi mwana, lu filwe wa mushimani: Bulena bu ka bewa fa liheta la hae; mi u ka bizwa Ya Babazwa, Muelezi, Mulimu ya Mata, Ndate wa kamita, Mulena wa Kozo.”
—Isaya 9:6

**10 JESU KRESTE —
SITABELO SA LUNA SE SI PETEHILE**

“... Ya si ka ziba sibi....” —II Makorinte 5:21

“Ya si ka eza sibi.”
—I Pitrosi 2:22a



Ha ku na sitabelo (nubu) se si PETEHILE sa na kona ku eza mutu se si kona ku zwisa sibi.

“Kakuli ha ku konahali kuli mali a lipoho za likomu ni za lipuli a zwise libi.”

—Maheberu 10:4

Jesu ki Ngunyan’a Mulimu. “Ki yo Ngunyan’a Mulimu ya zwisa sibi sa lifasi!”

—Joani 1:29b

**JESU NA FILE BUPILO BWA HAE
KULI A LU PILISE 11**

Jesu na kokotezwi fa sifapano kakuli na toilwe ki batu ba ba lunya. Kono lifu la hae ne li lukisizwe ki Mulimu. Jesu, ka ku lata kwa hae, na file bupilo bwa hae kuli a pilise wena ni na kwa libi za luna. Jesu a bulela, a li: “Ha ku na mutu ya ni amuha bona [Bupilo bwa ka]; ni na ni mata a ku bu fa, mi ni na ni mata a ku bu nga hape.”

—Joani 10:18a

LU LIULULWA KA MALI A NGUNYAN’A MULIMU

“Mu nze mu ziba kuli hasi ka ze bola, hasi ka silivera ni gauda, ... Kono ki ka mali a Kreste, a butokwa, a’ swana sina a ngunya-na ye si na se si nyazahala kamba litiba.”

—I Pitrosi 1:18, 19

HA KU NA MATABELO A SILI A KONA KU ZWISA SIBI

“Lu kenisizwe ka sitabelo sa mubili wa Jesu Kreste se si ezi-zwe hañwi.”

—Maheberu 10:10b


12 “Ha lu beilwe ba ba lukile ka mali a hae, lu ka piliswa kwa buhali bwa Mulimu, hahulu ni ku fita, kabakala hae.”

“Mulena, u ni hupule ha u kena mwa mubuso wa hao.” —Luka 23:42b

Sisinyi se, ne si lumezi ku Jesu, mi sa piliswa.



“Kaniti na ku bulelela, Kacenu u ka ba ni na mwa Paladeisi.” —Luka 23:43b



Sisinyi se, ne si si ka lumela ku Jesu, mi ne si si ka piliswa.

“Ha ne lu sa li baezalibi, Kreste u shwile bakeñisa luna.” —Maroma 5:8b

**BATU KAUFELA BA BA LUMELA KU
MWAN’A MULIMU BA NA NI BUPILO 13**

“Kakuli Mulimu u latile lifasi hahulu, mane u li file Mwan’a hae wa libanda, kuli mutu ufi kamba ufi ya lumela ku yena a si ke a shwa, kono a be ni bupilo bo bu sa feli.”

—Joani 3:16

“U lu lamulezi kwa mata a lififi, mi u lu shimbululezi mwa mubuso wa Mwan’a hae ya latwa, ye ka yena lu filwe ku liululwa,* ku swalelwa libi za luna.”

—Makolose 1:13, 14

*Ku liululwa ku talusa kuli lu lekilwe.

14 “U ZUHILE!”



“Kono lingeloi la bulela, la li kwa basali: Mina mu si ke mwa saba. Na ziba kuli mu bata Jesu ya n’a kokotezwi fa sifapano. H’a yo mo, kakuli u zuhile, mw’a n’a bulelezi. Mu t’o bona sibaka mw’a n’a lobezi.”

—Mateu 28:5, 6

JESU A ZUHA KWA BAFU 15

“Mi ki Na Ya-Pila; ne ni shwile, mi bona, ni pila mwa linako ni linako; mi ni na ni linotolo za lifu, ni za sibaka fo ku inzi ba ba shwile.”

—Sinulo 1:18

“Kakuli na, na pila, ni mina mu ka pila.” —Joani 14:19b

Kakuli Kreste u tuzi lifu mi u na ni linotolo za lifu, ha lu sa to-kwa ku saba lifu.


“Kono nako ye ni saba, ki yona nako ye ni beya sepo ya ka ku Wena.” —Lisamu 56:3

(Ka za lisepiso za Mulimu, mu talime fa likepe la 46.)

JESU U KONA KU MI PILISA MI WA MI LAPELELA

“Kono yena, kakuli u ina mwa linako ze sa feli, u kona hape ku pilisa ku feleleza ba ba taha ku Mulimu ka yena, kakuli unz’a pila kamita ku ba lapelela.” —Maheberu 7:24a, 25b

16 **MINA NI NA LU KONA KU BA NI
BUPILO BWA KU YA KU ILE**



Mina MU nga ifi nzila?

Jesu Krete ki yena NZILA ye ya kwa BUPILO bwa ku ya ku ile ni Mulimu.

Diabulosi (Satani) ki yena nzila ye ya kwa LIFU la ku ya ku ile.

Mushimani yo u eza keto ye lukile ye isa kwa bupilo bwa ku ya ku ile.

MINA MU KETA SIKAMAÑI? 17

“... Mu kete kacenu ye mu ka sebeleza ...”
—Joshua 24:15

“Hakulicwalo, iketele bupilo kuli u pile, wena ni baikulu ba hao.”
—Deuteronoma 30:19b

**JESU KI YENA NZILA YE YA KWA BUPILO
BWA KU YA KU ILE**

“Mi ku piliswa, ha ku yo ku yo muñwi; kakuli ha ku na Libizo li sili mwatas’a lihalimu, le ba filwe batu, le lu ka piliswa ka lona.”
—Likezo 4:12

“Ki Na, e, ki Na Muñ a Bupilo, mi ha ku na Mupilisi yo muñwi, haisi Na.”
—Isaya 43:11

18 **KI KABAKALAÑI HA LU NA NI KU KETA JESU
HAIBA LU BATA BUPILO BWA KU YA KU ILE?**

1. **Kreste ki yena ya n’a tile.**



“... Na, ni tezi lingu za ka, kuli li be ni bupilo...”
—Joani 10:10

2. **Kreste ki yena ya lu latile ni ku lu shwela.**

“Mwan’a Mulimu ya ni latile, mi a itobohile mwa sibaka sa ka.”
—Magalata 2:20b

Jesu na bile mutu ya na ni nama ni mali sina luna: “Kuli ka lifu la hae, a

felise ya sweli mubuso wa lifu mwa mata a hae, yena Diabulosi; mi a liulule batu kamukana ba ba ne ba pila bupilo bwa bona kaufela mwa butanga bwa ku saba lifu.”
—Maheberu 2:14b, 15


3. **Mali a Kreste ki ona feela a zwisa libi za luna.**

“Kakuli mali h’a kona ku lifa tifo, ki kabakala kuli bupilo bu inzi ku ona.”
—Livitike 17:11b

“Mi mali a Jesu Mwan’a hae a lu tapisa libi kamukana.”
—I Joani 1:7b

“Ye ka yena lu filwe ku liululwa [piliso], ku swalelwa libi za luna.”
—Makolose 1:14

20



4. **Jesu ki yena ya na zuhile
kwa bafu.**

“Kakuli lwa ziba kuli Kreste h’a zuhile kwa bafu, h’a sa shwa; lifu ha li sa na mata ku yena.”
—Maroma 6:9

“Mi u shwezi batu kaufela kuli ba ba pila ba lisele ku ipilela, kono ba pilele ya shwile mi a zuhile bakeñisa bona.”
—II Makorinte 5:15

Jesu a bulela, a li: “Kakuli na, na pila, ni mina mu ka pila.”
—Joani 14:19b

5. **Lu lukela ku ba ni Moya wa Kreste kuli
lu kone ku zuhela bupilo bwa ku ya ku
ile (ku pila kamita).** 21

“Kreste u ku mina, yena ye li sepo ya kanya.”
—Makolose 1:27b

Mi Moya wa ya zusize Jesu kwa bafu h’a li teñi ku mina, Ya zusize Jesu Kreste kwa bafu, u ka pilisa ni mibili ya mina ye shwa, ka Moya wa hae ya yahile ku mina.”
—Maroma 8:11

MU BONE KULI MOYA WA KRESTE U YAHILE KU MINA
“Mutu h’a si na Moya wa Kreste hasi wa hae.”
—Maroma 8:9b

22 JESU U LATA BANANA KAUFELA



“Kih’a ba nga mwa mazoho a hae, mi a ba fuyola ka ku beya mazoho a hae fahalimu a bona.”

–Mareka 10:16

“Ni ziba kuli Jesu wa ni lata, kakuli Bibebe i ni taluseza cwalo.”

“Cwale Jesu a ba biza, a li: Mu tuhele bana ba tahe ku na, mi mu si ke mwa ba hanisa, kakuli mubuso wa Mulimu ki wa ba ba swana sina bona.”

–Luka 18:16

“Kamukwaocwalo, hasi tato ya Ndat’a mina ya kwa lihalimu, kuli ku latehe a li muñwi ku ba banyinyani bao.”

–Mateu 18:14

Ha ku na taba kuli ki wena mañi kamba u pila kai, Jesu wa ku lata mi na ku shwezi. Jesu ni yena u tokwa lilato la hao. U ta kona ku bonisa kuli u lata Jesu ka ku mu utwa.

“Ha mu ni lata, mu ka mamela litaelo za ka.”

–Joani 14:15

“Mane ni mwana, ka mikwa ya hae.”

–Liproverbia 20:11a

24 MO KA FUMANELA NZILA YE YA KU MULIMU

1. *U lumele kuli u muezalibi (u bone likepe la 7).*

“Kakuli kaufela ba ezize sibi, mi ba kauhezwi kwa kanya ya Mulimu.”

–Maroma 3:23

2. *U tahe ku Mulimu ka Jesu Kreste.*

“Kakuli Mulimu ki a li muñwi feela, mi Muyemeli ya fahali a Mulimu ni batu ki a li muñwi, yena Jesu Kre-ste, mutu.”

–I Timotea 2:5

“Kabakaleo, u [Jesu] kona ku pilisa ku feleleza ba ba taha ku Mulimu ka yena.”

–Maheberu 7:25a

Jesu a li: “Kaufela s’a ka ni fa Ndate, si ka ta ku na; mi ya ta ku na, ha ni na ku mu lelekela kwande.”

–Joani 6:37

3. U bakele libi za hao.

(Ku baka ku talusa “ku swaba kwa niti ko ku isa kwa ku tuhela sibi.”)

“Hakulicwalo, a mu bake, mi mu sikuluhe; kuli libi za mina li taku-lwe.”


–Likezo 3:19a

“Mulena h’a... kono u sa isa nako kwapili kabakala luna; kakuli h’a la-ti ba bañwi ha ba ka timela, kono u lata kuli kaufela ba kene mwa ku baka.”

–II Pitrosi 3:9

4. U ipulele libi za hao ku Jesu.

(Ku bulela ki “ku talusa kamba ku lumela.”)



26 Fa milaini ye kwatasi u ñole timana ya I Joani 1:9a ye fa mazoho a tapelo a inzi fa likepe la 25.

5. U tuhele libi za hao.


(Ku tuhela ki “ku lisela, ku siya.”)

“Ya pata milatu ya hae h’a na ku bona mbuyoti; kono ya i bulela, mi a i bakela, u ka shemubiwa.”

–Liproverbia 28:13

“U hane bumaswe, mi u eze se si lukile.”

–Lisamu 37:27a



“Kakuli mu pilisizwe ka sishemo, ka tumelo;... ki mpo ye zwa ku Mulimu; hasi ka misebezi, kuli ku tokwe ni ya ka itumba.”

–Maefese 2:8, 9

6. U lumele ku Jesu Kreste. 27

“Ha u bulela Mulena Jesu ka mulomo wa hao, mi u lumela mwa pilu ya hao kuli Mulimu u mu zusize kwa bafu, u ka pila.”

–Maroma 10:9b

“Lumela ku Mulena Jesu mi u ka piliswa, wena ni ba ndu ya hao.”

–Likezo 16:31b

28 7. Amuhela Jesu Kreste mwa pilu ya hao ni mwa bupilo bwa hao.



Ki wena feela ya kona ku kwalula munyako wa pilu ya hao ni ku lumela Jesu kuli a kene mwatefi. Jesu a li: “Bona, ni yemi mwa munyako, na ngongota; mutu h’a utwa linzwi la ka, mi a kwalulula sikwalo, ni ka kena ku yena, ni t’o ca mulalelo ni yena, ni yena a ce ni na.” —Sinulo 3:20

“Kono bona ba ba mu amuhezi, u ba file mata a ku fetuha bana ba Mulimu, bona ba ba lumela libizo la hae.” —Joani 1:12

MUTALA WA KULAPELA

29

Haiba ha u sika lapela kale mi u tokwa tuso ka mo kulapelelwa, u kona ku latelela tapelo ye kwatasi sina ka mutala:



Oho Mulena Jesu,

Ni itumela ku Wena ka ku shwa fa sifapano ili ku zwise libi za ka. Ni swabile ka lika kaufela ze maswe ze ni ezize. Ni ku kupa kuli u kene mwa pilu ya ka mi u t’o pila mwa pilu ya ka ku ya ku ile. Ni sepa kuli u ka kenisa pilu ya ka honafa. Ni kupa kuli u be Mupilisi ni Mulen’a ka.

Ni lapela ka libizo la Hao, Amen.

30 JESU H’A INZI MWA PILU YA HAO, U NA NI BUPILO BO BU SA FELI

“Mulimu u lu file bupilo bo bu sa feli; mi bupilo bo, bu ku Mwan’a hae. Ya na ni Mwana u na ni bupilo.”

—I Joani 5:11b, 12a

“Ya utwa linzwi la ka, mi a lumela ku Ya ni lumile, . . . u zwile mwa lifu, mi u keni mwa bupilo.”

—Joani 5:24b

Mubili wa hao ha u shwa, u ina ni Mulena (II Makorinte 5:8). “Kreste u ku mina, yena ye li sepo ya kanya.”

—Makolose 1:27b

Haiba u kupile kuli Jesu a ku swalele libi za hao, mi u lumela ku Mulena Jesu Kreste sina Mupilisi wa hao, u ñole libizo la hao fa laini yeo:

MUKWA WA KU LATELELA JESU

31



U bale litimana za mwa Bibe-le (Linzwi la Mulimu) ka zazi ni zazi mi u li buluke mwa pilu ya hao ka ku peta litimana za butokwa ze ku tusa. (Ze ñata li mwa kabuka ka.)

“Liñolo kamukana li tahi-le ka Moya wa Mulimu, mi li na ni tuso kwa ku luta, ni ku kolisa, ni ku nyaza, ni ku hulisa ka ku luka.”

—II Timotea 3:16

32 U AMBOLE NI JESU KA TAPELO KA NAKO IFI NI IFI



U itumele ku Jesu ka lika ze nde kaufela za mwa bupilo. U mu lumbe ka lika za ku ezelize ni ka ku pilisa moyo wa hao. U lapele bakeñisa z’o tokwa. U lapele ka libizo la Jesu.

“Ha lu kupa nto ka ku lata kwa hae, wa lu utwa.” —I Joani 5:14b

“Se mu ka kupa kaufela ku Ndate, u ka mi fa sona ka Libizo la ka.” —Joani 16:23b

“... Mu lapelelane, . . .” —Jakobo 5:16

“Mu lapelele ba ba mi eza maswe, ba ba mi nyandisa.” —Mateu 5:44b

TAPELO YA NA LUTILE JESU KWA BALUTIWA BA HAE

33

(Mulutiwa ki mutu ya latelela Jesu.)

Jesu na bulelezi balutiwa ba hae kuli ba lapele ka mukwa wo:

“Ndat’a luna ya kwa lihalimu, Libizo la hao a li be le li kenile; ku tahe mubuso wa hao; Se si latwa ki Wena si ezwe mwa lifasi, mo si ezezwa kwa lihalimu; u lu fe kacenu buhobe bwa luna, mo u lu felanga ka zazi ni zazi; u lu swalele milatu ya luna, mo lu swalelela ni luna ba ba lu foselize; u si ke wa lu kenya mwa muliko, kono u lu lamulele ku ya maswe; kakuli mubuso ki wa hao, ni mata, ni kanya, kamita ni mita. Amen.” —Mateu 6:9b-13

Tapelo ye, i swanezi ku petwa. Hañata balumeli ba lapela tapelo yeo hamoho ka ku tiisa.

34 MILAO YA MULIMU YE LISHUMI I LU LUTA MO KU PILELWA

(Exoda kauhanyo ya 20)

Ye mine ya pili i talusa bakeñisa lilato la luna ku Mulimu

1. “U si ke wa ba ni milimu i sili fapil’a ka.”
 2. “U si ke wa ikezeza siswaniso se si betilwe, nihaiba siswaniso sifi kamba sifi . . . u si ke wa si kubamela, u si ke wa si sebeleza.”
 3. “U si ke wa bapalisa Libizo la Muñ a Bupilo Mulimu wa hao.”
 4. “U hupule lizazi la Pumulo ku li eza le li kenile.”
- Ye 6 ya mafelelezo i talusa bakeñisa lilato la luna ku Mutu*

MILAO YE LISHUMI (I zwela pili) 35

5. “Kuteka ndat’aho ni m’aho.”
6. “U si ke wa bulaya.”
7. “U si ke wa buka.” (Ku buka ki ku sa sephala kwa munna kamba musali mwa taba ya ku zibana.)
8. “U si ke wa uzwa.”
9. “U si ke wa tameleza wahenu ka bupaki bwa buhata.”
10. “U si ke wa lakaza . . . nto kamukana ya wahenu.”

MULIMU U KONA KU ALABA LITAPELO ZA LUNA HA LU MU UTWA

“Mi se lu kupa lwa si amuhela ku Yena, kakuli lu ya ka litaelo za hae, mi lu eza ze mu kolisa.” –I Joani 3:22

36 LITAELO ZE PELI ZE TUNA KA KU FITISISA

Ku Lata Mulimu

1. “Jesu a li ku yena: ‘Lata Mulena Mulimu wa hao, ka pilu ya hao kaufela, ni ka moya wa hao kaufela, ni ka kutwisiso ya hao kaufela.’ O ki mulao o mutuna ni wa pili.”

–Mateu 22:37, 38

Ku Lata Mutu

2. “Wa bubeli o swana sina ona, u li: ‘Lata wahenu mo u itatela.’”

–Mateu 22:39

Milao ye Lishumi kaufela (likepe la 34 ni la 35) i kopanyizwe mwa litaelo ze peli ze tuna ka ku fitisisa.



LILATO KI YONA YE TUNA KU ZONA KAUFELA 37

“Kauhanyo ya Lilato” le Lituna

(I Makorinte 13:1-8, 13)

¹Niha ni ka bulela lipuo za batu ni za mangeloi, ha ni si na lilato, ni mulangu fela o lila, kamba ngongi ye mulumo o mutuna. ²Mi niha ni ka ba ni mpo ya bupolofita, mi ni ziba ze patilwe kaufela ni butali kaufela; mi niha ni ka ba ni tumelo kaufela, mane ni shimbulula ni malundu, ha ni si na lilato, ha ni se siñwi. ³Mi niha ni ka fana ze ni luwile kaufela ku fepa babotana, kamba niha ni ka tobaha mubili wa ka kuli u ciswe, ha ni si na lilato, zeo ha li ni tusi se siñwi. ⁴Lilato li na ni pilutelele, li na ni musa;

38 lilato ha li na pilu seta; lilato ha li ikankabeki; ha li ikuhumusi; ⁵ha li ezi ze swabisa; ha li yemi fa lituke-lo za lona; ha li konwi ku halifiswa; ha li kakanyi bumaswe; ⁶ha li tabeli ze si ka luka, kono li tabela ze na ni niti; ⁷li lwala linto kaufela; li na ni tumelo kwa linto kaufela; li na ni sepo mwa linto kaufela; li itiisa mwa linto kaufela. ⁸Lilato ha li na ku fela, ku ya ku ile. Kanti bupolofita bu ka fela; nihaiba lipuo li ka tuhelwa ku bulelwa; nihaiba zibo i ka fela.

¹³Mi cwale ze ina; ki tumelo ni sepo, ni lilato, ze talu zeo. Kono ye tuna ku zona ki lilato.

MULIMU U LILATO

“Mulimu u lilato; mi ya ina mwa lilato u ina ku Mulimu, mi Mulimu u ina ku yena.” –I Joani 4:16b

JESU U BATA KULI U BULELELE BA BAÑWI 39



(kwa hae, kwa sikolo, kwa keleke, kai ni kai)

Jesu a li: “U ye kwahae, kwa banabahenu, mi u ba kandekele mw’a ku eze-lize kaufela Mulena, ni mw’a ku shemubezi.”

–Mareka 5:19b

40 M'O KONA KU ZIBELA MWAN'A MULIMU WA NITI

“Kifo ni li: Mu ka ba ziba ka miselo ya bona.” –Mateu 7:20

“Kono muselo wa Moya ki lilato, ni tabo, ni kozo, ki pilu-telele, ni musa, ni bunde, ki busepahali, ni ku ishuwa, ni buiswalo.” –Magalata 5:22, 23a

MWAN'A MULIMU WA NITI U SWALELA BA BAÑWI

“Kakuli ha mu swalela batu lifoso za bona, Ndat'a mina ya kwa lihalimu u ka mi swalela ni mina.” –Mateu 6:14


LIKA ZE 7 ZA TOILE MULIMU

“Ki meto a' talima ka buikuhumuso; ki lulimi lo lu puma; ki mazoho a' sulula mali a' si na mulatu; ki pilu ye lela milelo ye maswe; ki mautu a' lubilo a' matela kwa ku y'o sinye; ki paki ya buhata, ye bulela lishano, ni mutu ya tisa lifapano kwa batu ba ndu i li ñwi.” –Liproverbia 6:17-19

MISEBEZI YA NAMA:

41

“...Ki ku buka, ni buhule, ... ki ku lapela milimu, ni buloi, ki sitooyo..., ni buhali, ni likañi, ... ki muna, lipulao ni butahwa, ... ni zeñwi ze cwalo, ... kuli ba ba eza ze cwalo ha ba na ku ca sanda sa mubuso wa Mulimu.” –Magalata 5:19-21




“...Ni ba ba lumela ku ezwa musali, ... ni masholi, ni ba ba lakaza za ba bañwi....” –I Makorinte 6:9,10

U LUMELELE JESU KULI A KU TAZE MOYA WA HAE MI A KU KENISE

“Ba bañwi ku mina ki se ne mu li sona; kono mu tapisizwe, kono mu kenisizwe, ... ka Libizo la Mulena Jesu Kreste, ni ka Moya wa Mulimu wa luna.” –I Makorinte 6:11

42 LIHELE KI SIBAKA SA NITI



(U bale Luka 16:19-26.)

U bone kuli u sepa Jesu Kreste. U ka ñola libizo la hao mwa Buka ya Hae ya Bupilo.

“Mi mutu ni mutu ya si ka fumanwa a ñozwi libizo mwa buka ya bupilo, a nepelwa mwa lisa la mulilo.” –Sinulo 20:15

JESU KI YENA FEELA NZILA YE YA KU MULIMU

43


“Mulimu u lu file bupilo bo bu sa feli; mi bupilo bo, bu ku Mwan'a hae.” –I Joani 5:11b

“Kakuli mupuzo wa sibi ki lifu; kono mpo ya sishe-mo sa Mulimu ki bupilo bo bu sa feli ka Jesu Kreste Mulen'a luna.” –Maroma 6:23

“Ya lumela ku Mwana u na ni bupilo bo bu sa feli; mi ya sa lumeli ku Mwana h'a na ku bona bupilo, kono buhali bwa Mulimu bu inzi fahalimw'a hae.” –Joani 3:36

“Jesu a li: ‘Ki na nzila, ni niti, ni bupilo; ha ku na mutu ya ka taha ku Ndate, konji ka na.’” –Joani 14:6

44 LIHALIMU KI SIBAKA SA NITI



Mwa pono ya Joani ya mwa Sinulo 21 na boni lihalimu le linca ni lifasi le linca.

“Mi Mulimu u ka takula miyoko kaufela kwa meto a bona; mi lifu ha li sa na ku ba teñi; nihaiba ku tahelwa ki maswabi ni ku lila, ni ku utwa butuku; kakuli za pili li felile. Cwale Ya inzi mwa Lubona a li: ‘A mu bone, linto kaufela ni li eza ze nca.’” –Sinulo 21:4, 5a

Joani hape a bona Munzi o Kenile, Jeru-salema yo munca, ya zwa kwa lihalimu ku Mulimu. “Munzi ona ki wa gauda ye kenile, ye swana sina siiponi se si kenile. Mitomo ya lukwakwa lwa munzi n'e kabisizwe macwe a butokwa a mifuta kaufela.” –Sinulo 21:18b, 19a

JESU U ILE KU Y'O LUKISA SIBAKA SA BA BA LUMELA KU YENA KAUFELA

45

“Pilu ya mina i si ke ya filikana; mu lumele Mulimu, ni na, mu ni lumele. Miyaho ki ye miñata mwa munzi wa Ndate; kabe ku si cwalo, kabe ni mi bulelezi. Ni sa y'o mi lukiseza sibaka. Mi ni sin'o ya, ni ku mi lukiseza sibaka, ni ka kuta, ni t'o mi nga, kuli mo ni inzi, ni mina mu be kwateñi.” –Joani 14:1-3

MU BULELELE BA BAÑWI LITABA ZE NDE ZEO

Jesu a li ku bona: “Mu ye mwa lifasi kaufela, mu bulelele libupiwa kaufela Evangeli.” –Mareka 16:15b

“Ya butali u hohela lipilu za batu ku yena.” –Liproverbia 11:30b

46 LISEPIISO ZA MULIMU KWA BANA BA HAE

“Ha ni na ku ku tuhela, ha ni na ku ku fulalela.”

—Maheberu 13:5b

“Kakuli u ka laela mangeloi a hae, a ku babalele mwa linzila za hao kaufela.”

—Lisamu 91:11

“H’a yo ya kona ku li zwise mwa lizoho la Ndate.”

—Joani 10:29b

“Na, ni inzi ni mina ka mazazi kaufela, ku isa kwa mafelelezo a lifasi.”

—Mateu 28:20b

“U si ke wa saba butuku b’o ka utwiswa... U sephale ku isa kwa lifu, mi ni ka ku fa kuwani ya bulena ya bupilo.”

—Sinulo 2:10

“Ha ni inzi mwa lififi, Muñ a Bupilo u ka ba liseli la ka.”

—Mika 7:8b

“Biza ku Na, mi ni ka ku alaba.”

—Jeremia 33:3a



JESU WA TAHA HAPE

47

Batu kaufela ba ka zuha kwa bafu.

“Nako ya ta, mo ba ba li mwa mabita kaufela, ba ka utwa linzwi la hae, mi ba zwe; ba ba ezize ze nde ba zuhele bupilo, mi ba ba ezize ze maswe ba zuhele katulo.”

—Joani 5:28b, 29



Ba ba shwile ku Kreste ba ka zuha pili.

“Mwamulaho, luna ba ba pila, ba ba si-yalezi, lu ka ngelwa kwa malu hamoho ni bona, ku y’o katanyeza Mulena mwa mbyu-mbyulu; mi kamukwaocwalo lu ka ina ni Mulena kamita.”

—I Matesalonika 4:17

“Mu tone, mi mu lapele; kakuli ha mu zibi nako kana i ka ba lili.”

—Mareka 13:33b

48

U KA TAHA CWAÑI JESU?



“A mu bone, ki yo, u taha ka malu; mi meto kamukana a ka mu bona.”

—Sinulo 1:7a

Mu tokomele bo krete ba buhata ni bapolofta ba buhata.

“Mutu nih’a ka mi bulelela, a li: Krete ki yo kwanu, kamba ki yo mwani, mu si ke mwa mu lumela. Niha ba ka mi bulelela, ba li: Ki yo, u mwa lihalaupa; mu si ke mwa

zwela kwateñi; kamba: Ki yo, mwa muzuzu wa ndu; mu si ke mwa lumela.”

—Mateu 24:23b, 26b

JESU U KA TAHA KAPILI KA MALU A LIHALIMU

“Macaba kaufela a lifasi a... a ka bona Mwan’a mutu a taha ka malu a lihalimu, ka mata a matuna ni ka kanya ye tuna.”

—Mateu 24:30b

SAMU YA MULISANA

(Lisamu 23)

¹Muñ a Bupilo ki mulisana wa ka; Ha ni na ku tokwa se siñwi. ²U ni pumuliseza mwa mafulisezo a matala; U ni zamaisa fakaufi ni mezi a kuzize. ³U wetulula moya wa ka; U ni zamaisa mwa linzila za Ku Luka, kabakala Libizo la hae.

⁴E, niha ni ka zamaya mwa musindi wa muluti wa lifu, Ha ni na ku saba bumaswe niheba bu li buñwi; Kakuli Wena u inzi ni na; Mulamu wa hao, ni lusata lwa hao, ki zona ze ni wisa pilu. ⁵U ni tomela tafule mwa meto a lila za ka; U tozize toho ya ka oli; sinwiso sa ka sa yuboka.

⁶Luli, mbuyoti ni sishemo li ka ni latelela mwa mazazi kaufela a bupilo bwa ka; Mi ni ka ina mwa Ndu ya Muñ a Bupilo kamita.

If you are interested in receiving additional Scripture booklets, write to the publisher in English.

World Missionary Press, Inc.
P.O. Box 120
New Paris, Indiana 46553-0120 U.S.A.

Ki mpo – ha ka lekiswi

2275 Lozi WTG

